

## UGOVOR

za usluge štampanja publikacije „Pregled prakse Ustavnog suda Bosne i Hercegovine“.

Zaključen između:

**BOSNA I HERCEGOVINA - USTAVNI SUD BOSNE I HERCEGOVINE**, Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine (u daljem tekstu: **Naručilac**)

i

„**ŠTAMPARIJA FOJNICA d.d.**“, Prokoški put bb, Fojnica, koga zastupa Šehzija Buljina, direktor (u daljem tekstu: **Izvršilac**)

### Član 1.

Predmet ovog ugovora je štampanje publikacije „Pregled prakse Ustavnog suda Bosne i Hercegovine“ prema definisanim uslovima iz tenderske dokumentacije broj P3-486/16 od 24 novembra 2016. godine, ispravke tenderske dokumentacije od 29. novembra 2016. godine i prema sadržaju ponude Izvršioca broj 316/16 od 29. novembra 2016. godine, sa kojom je Izvršilac učestvovao u provedenom postupku konkurentskog zahtjeva za dostavljanje ponuda, a koja je sastavni dio ovog ugovora.

### Član 2.

Cijena za štampanje publikacije „Pregled prakse Ustavnog suda Bosne i Hercegovine“ prema ponudi Izvršioca iznosi 9,80 KM bez PDV-a za jedan primjerak publikacije, 2.940,00 KM bez uračunatog PDV-a za tiraž od 300 komada odnosno 3.439,80 KM sa uračunatim PDV-om.

### Član 3.

Naručilac se obavezuje da će Izvršiocu dostaviti pripremu materijala za štampanje u PDF-u.

Za kvalitet isporučene publikacije iz člana 1. ovog Ugovora garantuje i odgovara Izvršilac, koji Naručiocu garantuje da publikacije potpuno odgovaraju svim tehničkim opisima, karakteristikama i specifikacijom datom u okviru tenderske dokumentacije Naručioca i Ponudi. Ukoliko se po prijemu konstatuju nedostaci u pogledu kvaliteta isporučene publikacije koja je predmet Ponude, Izvršilac je obavezan da, bez naknade, nedostatke otkloni odmah, a najkasnije u roku od 3 (tri) dana od dana prijema pismenog naloga Naručioca. U suprotnom posao se neće smatrati izvršenim.

Izvršilac se obavezuje da će izvršiti poslove štampanja i isporuke publikacije iz člana 1. ovog ugovora najkasnije do 30. decembra 2016. godine.

### Član 4.

Izvršilac se obavezuje da će po obavljenom poslu izvršiti isporuku publikacija na adresu Naručioca - Reisa Džemaludina Čauševića broj 6, III sprat, Sarajevo.

Izvršilac se obavezuje da će dostaviti fakturu na osnovu otpremnice potvrđene od strane Naručioca da je robu preuzeo.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

#### Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima BiH.

#### Član 6.

Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

#### Član 7.

Ovaj ugovor stupa na snagu danom potpisivanja od obje ugovorne strane.

#### Član 8.

Ugovor je sačinjen u četiri (4) istovjetna primjerka, od kojih obje ugovorne strane zadržavaju po 2 (dva) primjerka.

ZA IZVRŠIOCA

Šehzija Buljina  
Direktor




Datum: 23. 12. 2016  
Broj: \_\_\_\_\_

ZA NARUČIOCA



Mirsad Čeman  
Predsjednik



Datum: 23. 12. 2016  
Broj: P3-486/16